



MEMORIA XUSTIFICATIVA DA ADDENDA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O COLEXIO OFICIAL DE PSICOLOXÍA DE GALICIA PARA A COLABORACIÓN NA EMISIÓN DE INFORMES PERICIAIS PSICOLÓXICOS

A Consellería de Presidencia, Xustiza e Deportes é o órgano da Administración autonómica que ten atribuído o exercicio das competencias en materia de xustiza en virtude do artigo 20 do Estatuto de autonomía de Galicia, aprobado pola Lei orgánica 1/1981, do 6 de abril. É desexo desta Consellería a realización de todas aquelas actuacións coas que poida acadarse a maior eficacia en relación cos temas da Administración de Xustiza en xeral, segundo as funcións que lle atribúe o Decreto 136/2024, do 20 de maio, que establece a súa estrutura orgánica.

No mencionado ámbito material, constitúe un obxectivo primordial a eficiencia e celeridade na elaboración dos informes psicolóxicos solicitados polos órganos xudiciais en casos de dereito de familia e similares, de xeito que se poda superar o atraso acumulado en tal xurisdición e se poda afrontar a alta demanda para a axilización dos procedementos.

ANTECEDENTES: O día 9 de xuño de 2025 asinouse o Convenio de colaboración entre a Consellería de Presidencia, Xustiza e Deportes e o Colexio Oficial de Psicoloxía de Galicia para a colaboración na emisión de informes periciais psicolóxicos para afrontar as demandas dos órganos xudiciais da Comunidade Autónoma, no que a Consellería de Presidencia, Xustiza e Deportes, a través da Dirección Xeral de Xustiza, se comprometeu a abonar a cantidade máxima de 41.100,00 € con cargo á aplicación orzamentaria 05.03.131A.481.0 dos orzamentos xerais da Comunidade Autónoma de Galicia para o ano 2025.

O fin social deste Convenio é indiscutible, en canto nos procedementos para os que se emitirían os informes periciais están involucrados en gran maioría menores de idade, nalgúns dos casos sendo incluso vítimas de delitos. Resulta, polo tanto, prioritario que os xulgados que entenden destes asuntos podan dispoñer na maior brevidade posible dos informes necesarios para a toma de decisións en ámbitos tan sensibles. A achega económica prevista pretendía garantir, por unha banda, a axilidade que estes procedementos xudiciais demandan e, por outra, a utilización racional dos recursos públicos, sen obviar os intereses lexítimos dos profesionais a quen se lles asignen a elaboración destes informes técnicos.

Na reunión da Comisión mixta de Seguimento do Convenio do día 07/10/2025, a decana do Colexio Oficial de Psicoloxía de Galicia expuxo que existen máis de 80 peticións de informes periciais psicolóxicos, sendo 64 o número máximo de informes que segundo o orzamento do convenio é posible financiar. A decana entende que se fai necesario ampliar o importe do

Dirección Xeral de Xustiza
R/ Madrid 2-4, 2ª planta
15781 Santiago de Compostela





Convenio subscrito o 9 de xuño de 2025, para dar cabida a todas estas peticións adicionais, cuxo importe aproximado é de vinte e catro mil euros (24.000,00 €).

FINALIDADE: A finalidade perseguida pola Addenda que se está a tramitar é poder facer fronte a un número superior de procedementos dos que co orzamento actual se poden asumir, mediante a modificación das cláusulas terceira e cuarta do Convenio, que quedan redactadas do seguinte xeito:

"Terceira. Compromisos.

O Colexio Oficial de Psicoloxía de Galicia comprométese a prestar a actividade nas condicións establecidas no presente Convenio, incluíndo:

- A tramitación da petición dos xulgados e tribunais para a emisión dos informes periciais.*
- A selección dos/das psicólogos/as que vaian realizar os informes periciais, mediante a elaboración dunha lista específica.*
- A comunicación ao profesional asignado para a elaboración do informe pericial, mediante correo electrónico, outorgándolle un prazo de 4 días hábiles para que acuda directamente á oficina xudicial que se lle indique, de cara a realizar a aceptación do encargo ante a persoa funcionaria correspondente.*

A prestación de servizos realizada polos/as psicólogo/as obxecto deste Convenio non implicará o establecemento dunha relación laboral co Colexio Oficial de Psicoloxía de Galicia nin coa Consellería de Presidencia, Xustiza e Deportes.

O Colexio Oficial de Psicoloxía de Galicia comprométese a prestar a colaboración e facilitar canta documentación lle sexa requirida, no exercicio das funcións de control que lle correspondan á Intervención Xeral da Comunidade Autónoma, ao Consello de Contas e ao Tribunal de Contas, así como o sometemento ás actuacións de supervisión e control previstas na Lei 9/2007, do 13 de xuño, de subvencións de Galicia, e ás xerais derivadas da aplicación da normativa de axudas e subvencións.

A Consellería de Presidencia, Xustiza e Deportes comprométese a abonar ao Colexio Oficial de Psicoloxía de Galicia a compensación económica por un máximo de sesenta e cinco mil cen euros (65.100,00 €), concedida nos termos e coas condicións establecidas no presente Convenio. Así mesmo, a Consellería de Presidencia, Xustiza e Deportes comprométese a facilitarlles formación específica e espazos de traballo para a realización dos informes por parte dos psicólogos/as en cada unha das subdireccións do IMELGA.

Dirección Xeral de Xustiza
R/ Madrid 2-4, 2ª planta
15781 Santiago de Compostela





A anterior compensación incluirá, por unha parte o abono da cantidade máxima de mil cincocentos euros (1.500,00€) pola organización da actividade realizada, e por outra banda o resultado de aplicar a cada informe o importe máximo de seiscientos dezasete euros e corenta céntimos (617,40 €), o cal incluirá todos os gastos xerados pola intervención pericial:

- Elaboración, redacción, emisión e entrega do informe.*
- Desprazamentos.*
- Aclaracións, ratificacións, asistencias e, en xeral, calquera actuación ante o órgano ou oficina xudicial, incluído o acto de xuízo oral.*

Cuarta. *Créditos orzamentarios e contías derivados do Convenio.*

O presente Convenio será financiado co orzamento de gastos da Consellería de Presidencia, Xustiza e Deportes, con cargo a aplicación orzamentaria 05.03.131A.481.0. A compensación prevista no presente Convenio poderá financiar total ou parcialmente os gastos derivados da actividade psicolóxica ata un importe máximo de sesenta e cinco mil cen euros (65.100,00 €), que será aboada ao Colexio Oficial de Psicología de Galicia do seguinte xeito:

- O Colexio Oficial de Psicología de Galicia emitirá a correspondente certificación do cumprimento da finalidade para a que foi concedida a axuda, na que se detalle os informes periciais efectuados. A Consellería de Presidencia, Xustiza e Deportes comprométese a aboar ao Colexio Oficial de Psicología de Galicia os gastos que deriven da realización dos informes periciais, cun pagamento máximo único a razón de seiscientos dezasete euros e corenta céntimos (617,40 €) por cada informe tendo en conta a actualización do IPC, que incluirá todos os gastos xerados pola intervención pericial.*

Se con posterioridade á encomenda xudicial dunha pericia, o órgano xudicial a deixase sen efecto e sempre que se acredite a súa iniciación, compensarase ao Colexio Oficial de Psicología de Galicia ata un máximo dun 30% do importe do informe, en virtude do grado de execución.

- Ademais, a Consellería de Presidencia, Xustiza e Deportes compensará ao Colexio Oficial de Psicología de Galicia pola organización da actividade realizada cunha cantidade de mil cincocentos euros (1.500,00 €).*

Á vista desta documentación, o órgano competente da Consellería de Presidencia, Xustiza e Deportes expedirá certificación acreditativa do cumprimento dos fins obxecto do Convenio.

En todo caso, a cantidade máxima que se obriga a achegar a Consellería de Presidencia, Xustiza e Deportes reducirase na mesma proporción que represente a cantidade xustificada respecto do orzamento total presentado”.





FINANCIAMENTO: A día 29/10/2025, existe remanente de crédito na aplicación orzamentaria 05.03.131A.481.0 (código de proxecto 2015 00102 "A institucións xurídico-administrativas") dos orzamentos xerais da Comunidade Autónoma de Galicia para o ano 2025 por contía de 24.000,00 €, que se empregarán para a ampliar o saldo inicialmente proxectado para o Convenio.

Esta achega económica será realizada nos termos requiridos no artigo 51 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia, incorporando, por unha banda, unha memoria de actuación xustificativa do cumprimento das condicións impostas na concesión da subvención con indicación das actuacións realizadas e os resultados obtidos e, por outro lado, unha relación clasificada dos gastos da actividade, con identificación do acredor e do documento, o seu importe, a data de emisión e a data de pagamento; un detalle doutros ingresos e subvencións que financiasen a actividade subvencionada, con indicación do importe e a súa procedencia e, se é o caso, carta de pagamento do reintegro no suposto de remanentes non aplicados, así como os xuros derivados destes.

Polo exposto, considérase xustificada a utilización do instrumento da addenda para articular as actuacións de referencia, quedando a dita addenda fóra do ámbito de aplicación da Lei 9/2017, do 8 de novembro, de contratos do sector público, con independencia de que, ao abeiro do previsto no artigo 6 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, na data da sinatura dixital
O director xeral de Xustiza

José Tronchoni Albert

Dirección Xeral de Xustiza
R/ Madrid 2-4, 2ª planta
15781 Santiago de Compostela

